



**R.P. Leonardii Lessii E Societate Iesu Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censvris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Dvb. 1. Vtrum in hoc Sacrame[n]to sint distinguenda illa tria, quæ in alijs  
plerisque reperiuntur, scilicet Sacramentum tantu[m], res tantum; & res &  
Sacramentum simul.

---

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

nem Magum baptizatum hortatur ad pœnitentiam, non ad memoriam baptismi. Confirmatur; quia in veteri lege memoria Circumcisionis, quæ erat typus Baptismi, non etat remedium peccatorum; sed varia sacrificia, & expiations: ergo neque nunc memoria Baptismi, sed alia quedam expiatio.

Probatur Tertio, Quia Patres passim docent, hominem post baptismum lapsum multò difficultius reconciliari, quam ante baptismum: Quia scilicet Pœnitentia, quæ reconciliatur post baptismum, requirit magnum dolorem, luctum, lacrymas, ieiunia, orationes, & similes acerbates peccato respondentes, quibus ipsum veluti ex aquo vindicetur, vt inquit Theodoretus libro 5. Decretorum Diuinorum cap. de Pœnitentia sub finem. Vnde quidam Patres Pœnitentiam vocant Baptismum lacrymarum, quidam Secundam post naufragium tabulam: baptismus enim est veluti nauis, quæ facilè peruenimus ad salutis portum; sed frater hoc nauigio per peccata relinquitur nobis Pœnitentia veluti tabula quædam, quam apprehendamus, quæ non nisi magno cum labore euadimus interitum animæ. Hanc comparationem habet Tertullianus lib. de Pœnitentia, & Ambrosius lib. ad Virginem lapsam cap. 8. & Hietonymus epistola ad Demetriadem.

Denique ratio est; Quia non erat consentaneum optimæ gubernationi diuinæ prouidentiæ, vt illi, qui lumen fidei, & alia multa dona à Deo accepterant, & Dei voluntatem cognoscebat, tam facile reconciliarentur, quam illi, qui nondum talibus beneficijs affecti fuerant; neque diuinæ voluntatem cognoverant: iuxta illud Lucæ 12. v. 47. Seruus, qui cognovit voluntatem Domini sui, & non fecit, plagi vapulabit multis.

Sed obicit Calvinus: Baptismus à Fulgentio lib. de fide ad Petrum cap. 3. vocatur Sacramentum fidei, & pœnitentia. Et Marci 1. v. 4. dicitur Ioannes Prædicasse baptismum pœnitentie in remissionem peccatorum.

Respondeo: Baptismus vocatur ibi Sacramentum Pœnitentia à Fulgentio, non cuiusvis, sed eius que præcedit baptismum, quam Apostoli iubentur prædicare Luca ultimo; & de qua Actorum 2. v. 38. Pœnitentiam agite, & baptizetur unusquisque vestrum: Baptismus enim est signum, illum pœnitere anteacta vita. Nō est autem Sacramentum eius Pœnitentia, quæ post baptismum agitur, de quo nobis est sermo. Iohannes autem prædicabat, baptismum non Christi, sed suum; qui dicebatur Baptismus pœnitentia in remissionem peccatorum, quia ad pœnitentiam præparabat, & consequenter ad remissionem peccatorum per pœnitentiam obtinendam.

## DVBIVM I.

## CIRCA RESPONSIONEM AD TERTIVM.

Verum in hoc Sacramento sint distinguenda illa tria, quæ in alijs plerisque reperiuntur: scilicet, Sacramentum tantum, res tantum, & res & Sacramentum simul.

Quæstio 9  
hac non  
ad eo necel-  
laria.

R Espondeo, Non magnoperè id fuisse necessariū, nisi Hugo de S. Victore & Magister id excogitassem, quos secuti sunt Doctores Scholastici: quia nulla auctoritas Scriptura, Concilio-

rum, aut Patrum ad hoc cogit. Dici tamen potest; Id, quod est Sacramentum tantum, esse actus externos pœnitentis cum verbo absolutionis. Id, quod est Sacramentum & res simul, esse pœnitentiā interiorem: hæc enim significatur actibus externis, & etiam ipsa est signum remissionis peccatorum. Ipsa autem remissio est res tantum. Ita D. Thomas hoc loco, & alij plerique Doctores.

## DVBIVM II.

Verum verum sit, quod habet D. Thomas, Primum esse causam secundi, & secundum tertii?

R Atio dubitandi est: quia Pœnitentia inferior non efficitur ab actibus externis, sed potius est causa eorum, scilicet confessionis, & externi doloris, & satisfactionis: neque sequitur absolutionem, sed ei supponitur tanquam materia vel dispositio.

Caietanus, vt hæc explicet, quædam dicit, quæ non sunt vera. Primum est, Attritionem interdù esse ita perfectam vt cum solo voto Sacramenti contrito, & iustificet. Verum hoc videtur falsum; tum quia attrito nunquam potest fieri contrito, cùm obiecto & specie distinguantur; tum quia attrito nunquam potest iustificare; hoc enim soli contritioni conuenit; vt aperè colligitur ex Concilio Tridentino less. 14. cap. 4.

Alterum est, Attritionem esse interdum imperfectam, sic vt cum voto Sacramenti non iustificet; tamen Sacramentum externum accedens efficeret vt fiat contrito; & ita contritionem ultius esse causam iustificationis: & in hoc casu verum esse quod ait Diversus Thomas. Vbi Caietanus videtur sentire Sacramentum Pœnitentie tunc non iustificare, nisi ex attrito faciendo contritum, ac proinde non nisi mediante motu contritionis: quod sine dubio non est verum. Nam non requiritur motus contritionis dum absoluimur, aut immediatè post, vt quisque in se experitur, & patet in eo qui absolvitur in amentia. Neque mediatè motu contritionis iustificat hoc Sacramentum, quasi primo, & immediatè excitat contritionem, & per contritionē iustificet: nam per se & immediatè iustitiam confert homini disposito.

Dominicus Soto aliter hinc respondet, Intiorem Pœnitentiam dupliciter considerari: primo, quatenus est prior naturæ infusione gratia; & sic non esse contritionem, sed naturalem dispositionem, quæ non habet rationem meriti: secundò, vt est posterior naturæ, quam gratia quæ informatur; & tunc habere rationem contritionis, & esse effectum absolutionis, & causam remissionis peccati: Vnde in infero (inquit) eadem contrito, vt est effectus Sacramenti, est res; vt autem est causa remissionis peccati, est Sacramentum.

Sed hæc non videntur vera. Primo; quia de ratione contritionis non est, vt sit meritoria remissionis peccati; sed solum, vt sit dolor de peccato super omnia, quatenus est offendit Dei. Secundò, etiam prius naturæ, quam infunditur gratia, est vera contrito; aliqui dolor iste solum denominatione extrinseca esset contrito. Tertiò; quia contrito, etiam vt est posterior gratia, id est, vt consideratur in subiecto grato, non est causa remissionis peccatorum, vt vult Sotus, sed supponit eam; multoque minus eam meretur.

Respondeo.

10

Caietani  
expositio  
refellitur.

11

Rejicitur  
similiter  
expositio  
Dom. Sotii.